



Улошо эл, торылык да гим берр!

9-ше (3501) №,
2021 ий 27 февраль,
шуматкече.

Будь готов/ ЯМДЕ-ЛИЙ

1933 ий 1 февраль годсек лектеш.

0+

Пийым кычкен таңасымаш Сент-Пол олаште (США) 1886 ийыште икымше гана эртаралтын.

ПИКШЛА ОНЧЫКО ЧЫМАТ



Таңасымашке Йошкар-Ола, Чебоксар, Озан, Нижний Новгород, Зеленодольск ола, Архангельск кундем гыч спортсмен-влак ушненыт.

Пушнге-влак, пасу ден олыкла лум йымалне шып малат. А кече, йолважым модыктен, «кынел» маншыла, шинчажым пүялеш. Тыгай пүртүс сүретым Йошкар-Ола воктенысе Корта ялыш кайыме годым эскерышна. Нерым йүштö чывыштылеш гынат, корныш тарванышна. Амалжат уло. Пийым кычкен үчашымашым кушто да кунам эше ужат?! Таңасымаш Кортысо тунемме да тренировкым эртарыме базыште 21-22 февральыште эртаралте.

Ончаш толшо кажне ег поро шинчаончалтышан, айдемым умылен моштышо хаски, лайке да моло урлык пий дене палыме лийын керте. Настя ден Андрей Журавлёвмыт (снимкыште) ача-авашт дене пырля толыныт. Настя Медведево гимназийын 4-ше классыштыже тунемеш. Андрей 6 ийым темен. Нуно ныл йолан йолташым моткоч йöратат. Шкеныштынат Белла хаски пийышт уло.

– Тыгай таңасымашым ондак киношто веле ужынна. Ынде Беллам кычкен, ече дене мунчалтен ончаш мемнанат кумылна лекте, – ойлат Настя ден Андрей.

Е.ИВАНОВА.

Авторын фотожо.

Глория, ончыко!



Марий Турек район Арбор школышто тунемше ўдыр-рвезе-влак спорт туризм дене пенгыде кылым кучат. Нуно районнышто, республикыште эртаралтше түрлө тагасымашке кумылын ушнат. Шукерте огыл 6-7-ше класслаште тунемше-влак Спорт туризм дене республикысе первенствыште вийыштым тергеныт да медаль, диплом дене палемдалгыныт. 6-шо классыште тунемше Глория Петрова (снимкыште шола гыч кумшо) чылам ончылтен.

Диана СЕМЁНОВА.

Марий Турек район.

Шонгыенлан полшена

Поро пашам ышташ изинек тунемына. Йоча-влак, погынен, обелиск йыр лумым эрыктена, кайык-влакым пукшена, шонгыен-влаклан полшена.

Историйым шергалына

1799 ий
3 мартыште
Фёдор Фёдорович
Ушаковын вуйлаты-
ме руш эскадр
Средиземный
теңызысе Корфу
орым сенен налын.
Кумдан чапаныше
флотоводецын мош-
тен вуйлатымыж-
лан көра руш эскадр
кугу энгекым лога-
лын огыл.

Шукерте огыл Чапчык ялыште лийна, туныктышо-ветеран Н.Г.Салдугановалан лумым эрыкташ полшышна. Нина Григорьевна толмыланна пеш куанен.

Лиза САВИНОВА.

Волжский, Карай.



Герой кочам



Мый Йошкар-Оласе 21-ше номеран школын 2-шо «Б» классыштыже тунемам. Мыйын кугезе кочам – Сергей Романович Суворов. Тудо Кугу Ачамланде сарыште марий-влак кок-ла гыч икымше Совет Ушем Герой лийын. Кугу ешыштына Сергей Романовичым пагален шарнена. Пургыж тылзыште «Шарны-маш сорта» акци-йышке ушненам. Кугезе кочам нерген видеофильмым войзенам.

Сергей СОЛОВЬЕВ.

Проект паша

Школышто Шочмо элым аралышын кечыжлан пöлеклалтше шуко мероприятий эртаралтын. Ме, тўналтыш класслаште тунемше-влак, «Тый денет кугешнем» проект пашам ыштенна. Ачана, кочана, изана да чўчўна нерген материалым погенна. Чыла пашам иквереш чумырен, «Элым аралыше-влак» стендым сōрастаренна.

Надя РЯЗАНЦЕВА.

Паранья, Олор.

Российысе увер

Ўдыр-рвезе-влак, «Герои Великой Победы – 2021» все-российский сылнымут конкурсышто мастарлыкдам терген кертыда. Йодмашым да пашам gvr2017@mail.ru адрес дене электрон почтыш колтыман. Тўрыс уверым героивеликойпобеды.рф сайтыште ончаш лиеш.

Республикыште илыше-влакым «Ава да йоча-влак – калык вургем дене» тўнямбал фотоконкурсыш ушнаш ўжыт. Йодмашым 25 август марте пуаш лиеш. Конкурс нерген www.ethno-photo.com сайтыште кумданрак лудса.

«Мир науки глазами детей» всероссийский сўрет конкурсыш 5-6 ияш йоча да 7-17 ияш тунемше-влак ушнен кертыт. Паша-влакым 12 сентябрь марте www.risunok.festivalnauki.ru сайтыш колтыман.

Марий Элысе увер

Юл кундем федерал округысо «Театральное Приволжье» йоча да самырык коллектив-влак фестивалын финалыштыже Марий Элын чапшым «Воштончыш» образцовый музыкально-драматический театр да «Маска» калык самырык театр аралаш тўналыт.

Общероссийский калык фронтын Марий Элысе штабшын енже Егор Широков Кужэнер район Токтайбеляк школышто «визытанлан» тунемше Кирилл Светлаковлан планшетым пöлеклен. Кирилл дистанционно тунемме годым нельлык дене тўкнен да Президент дек вияш линийыш лектын улмаш.

Иваново олаште «Уникальные люди» инклюзивный онлайн фестиваль эртаралтын. Тагасымашке Звенигово район Кожласола гыч 13 ияш Карина Ватютова (Изи Карина) ушнен. Тудо ава нерген мурж дене Гран-прим сенен налын.

Тунемшын вийже – уш-акылыште

19 февральыште Йошкар-Олаште шочмо марий йылме, марий литератур, кугыжаныш марий йылме дене республикысе олимпиаде эртаралтын. 9-11-ше класслаште тунемше 100 утла ўдыр-рвезе уш-акылжым терген.

– Тений ИКН предмет дене олимпиаде заочный формат дене лийын. 30 ўдыр-рвезе таңасен, – ойла Марий Эл Республикысе образований да науко министрствын тўн специалист-экспертше Е.А.Тарасова. – Кугыжаныш марий йылме дене олимпиадышке ушнышо йоча-влакын чотышт ий гыч ийыш ешаралтеш. Нуно заданийым куштылгын

Шочмо марий йылме дене сенгыше-влак:

Алина Саматаева, 9-ше кл. (Курыкмарий, Эмансола);
Валерия Глушкова, 10-шо кл. (Советский, Ушнўр);
Дарья Яковлева, 11-ше кл. (Морко, Шенше).



9-ше классыште тунемше Юлия БЕЛОВА (Волжский, Памар).

Снимкыште: олимпиаде годым.

шуктат, кўжшў баллым погат.

Марий литератур дене 1-ше верыш лектыныт:

Никита Николаев, 9-ше кл.;
Анастасия Андреева, 10-шо кл. (Морко, Коркатово);
Кристина Чеботарь, 11-ше кл. (Советский, Ушнўр).

Кугыжаныш марий йылме

дене ойыртемактыныт: Дмитрий Веденькин, 9-ше кл. (1-ше номеран Шернур шк.);
Кристина Мамаева, 10-шо кл. (Кужэнгер, Йўледўр);
Яна Ефремова, 11-ше кл. (Кужэнгер, Руш Шой).

Шочмо марий йылме да марий литератур дене сенгыше-влак 25 февральыште регион-влак кокласе олимпиадыште заочно таңасеныт. Олимпиадышке Башкортостан, Татарстан, Удмурт республиклаште да Свердловск кундемшыте тунемше-влак ушненыт.

Л.ГРИГОРЬЕВА.

Авторын да И.РЕЧКИНЫН фотошт.

Фолк-урок



Фотом школын архивше гыч налме.

Пелемеш школышто «Шочмо йылмем – поянлыкем» фолк-урок эртаралтын. Школысо да селасе книгагудым вуйлатыше Л.А.Семенова мемнан тўрлў конкурсыш ушнаш таратен. Заданий-влак марий фольклор, тўвыра, сылнымут дене кылдалтше лийыныт. Ме йылме нерген синквейным возенна. Тыгак «Кок онго» марий модыш дене модынна. Пайрем мучаште шочмо йылме нерген почеламутым лудынна. Туныктышо Л.Г.Ишмановалан марий йылмылан шўмандымыжлан кугу таум ойлена.

Инга ИШИМОВА.

Татарстан, Агрыз район.

Сўрал шочмо йылме

Марий йылме – шочмо йылме,
Эн сўрале мыланна.
Поро, ныжылге, ава гай –
Йўратен тунемына.

Марий йылме мемнан ешыш
Родо-тукым гоч пурен.
Кочана ден кована-влак
Пўлекленыт арален.

Тек умбакыжат марла ме
Кўштена да мурена.
Йонга радио, ТВ ден
Шерге шочмо йылмына.

Талвий АБРАМОВ.

Национальный президент
школ-интернат.

Синквейн

Шочмо йылме
Сылне, лишыл.
Арала, туныкта, куандара.
Шочмо йылмемым йўратем.
Аралтыш.
Карина ДМИТРИЕВА.
Морко, Купсола.

Книга - тиде окна.
Лудын гоч йоча-влак
илышым шыллаш
да шкем чылаш
тунемлыт.
В.Сухомлинский.



3 март -
Писательын тунямбал
кечыже.

Серызылан кумыл шерге

Серызе-влаклан сылнымутан произведенийым возаш кумыл нолталтмаш (вдохновение) кӱлеш. Мутлан, А.С.Пушкин возаш шичмыж деч ончыч ӱстембак лимонадым шындаш йодын. Л.Н.Толстой пум шельштын, телым издер дене вӱдым конден, а вара сылнымут пашалан пижын.

Марий серызе деч йодаш гын, мом вашешта?

Анатолий ТИМИРКАЕВ, Марий Элын калык поэтше:
«Мый кызыт сулен налме канышыште улам. Жапым арам эртараш огыл манын, мом-гынат возкалем. Тӱрлӱ ийготан лудшылан келшыше лийже, шонем. Яндар южышто коштын, пӱртӱс вашталтмым эскерен, уремыште тӱрлӱ сӱретым ужын, почеламут корныла шочыт. Тыге йочалан келшыше сылнымут сералтеш. Тӱрлӱ фактым лудмеке, колмеке, ужмеке, кугыев-влаклан возаш кумыл лектеш. Кызыт сылнымутышто гражданский, социальный теме-влакым утларак тарватыман».



Л.ГРИГОРЬЕВА мутланен.

Муса
Джалильын
шочмыжлан -
115 ий.

#Лӱмгече

Муса Джалиль (Муса Мустафович Залилов) – татар поэт, Совет Ушем Герой, Ленин премийын лауреатше. 1906 ий 15 февральыште Оренбург кундем Мустафино ялеш шочын. 10-13 ияшак почеламутым возаш тунгалын. Икымше почеламутшо «Йошкар шӱдыр» газетеш 1919 ийыште савыкталтын. 1944 ийыште Берлинысе тюрьмаште казнитленит.



Увер

Татарстан Республика
Елабуга районысо рӱдӱ книгагудо
1-15 февральыште
«Джалильым тӱрлӱ йылме дене
лудына» регион-влак кокласе
сетевой акцийым эртарен.
Тудо поэтын юбилейылан да
Татарстан Республикыште
Мочмо йылме да калыкын икоян
улмо идалыклан пӱлеклалтын.

Палыза

«Мемнан колхоз правленийын тыгай койыш: заседанийым пелӱд деч ончыч нигунамат огеш пытаре. Ватем деч йодыштам:
– Вара кузе?.. Мом ыштышт?
– Горький олаш, колхозник-ударник-влакын краевой съездышкышт, делегатлан колтат, – манеш ватем...»

Йодыш-влак:

- ➔ Тиде ужаш могай произведений гыч? Авторжо кӱ?
- ➔ Автор марий калык дене кылдалтше могай событий нерген возен?

В.СМИРНОВ ямдылен.

#Лончылена

Мый тыге шонем

Ик кечын еш дене Анатолий Фёдоровын «Шонго» ойлымашыжым лудна. Ойлымашым сылнын возымо, пеш келшыш. Ачан ушан ойым пуэн моштымыжо куандарыш. Тидым эрге ӱмыр мучкылан шарнен кодеш. Илен-толын, Владик шке шочшыжланат тыгак полшен кертеш.

Чынак, спорт айдемым вашталта. Владик денат тыгак лийын. Писатель йоча-влакым тазалыкым изинек переген кушкаш, спорт дене кылым кучаш кумыландат. Ойлымаш кызытсе саманлан келшен толеш. Йоча-влак ятыр жапым телефон дене эртарат, капкылыштым огыт шуаре.

Кирилл КРЫЛОВ.
Морко, Коркатово.




#Сӱрет_ончер




А.Фёдоровын «Шонго» ойлымашыже почеш Даша КУШАКОВАН сӱретше.

Петр Васильевич Краснов (1936-2012) – журналист, краевед. Волжский район Кўшыл Азъял ялеш шочын. Изиж годым ялысе калыкын «Марий коммуна» газетым лудмыжым ужын да уверым ямдылыше енын пашажын кўлешлыкшым умылен. Рвезылан аважын шольжо, журналист П.Г.Корнилов, пример лийын. 1975-1977 ийлаште Горький олесе Кўшыл партий школышто журналистлан тунемын. Петр Васильевич 1966-1968 ийлаште «Ямде лий» газет редакцийыште редакторлан пашам ыштен. Тудо ятыр книгам лукмаште тыршен.



Петр Красновын шочмыжлан – 85 ий.

Шанчызе, писатель (йомакзе) Вильгельм Карл Гримм 1786 ий 24 февральыште Германыйесе Ханау олаште шочын. Изаже Якоб Гримм дене пырля калык фольклорым шымленит, йомакым возеныт. «Детские семейные сказки» кок томан книгам 1812-1815 ийлаште луктыныт. Тушко 200 наре калык йомак, 10 легенде пурталтыныт. Изако-шольжын возымо йомакыштым 160 йылмыш кусарыме.



Вильгельм Гриммын шочмыжлан – 235 ий.

Уш-акылым пойдара



Йочалан книга тўняшке икымше ошкылым ышташ авачаже, кова-кочаже полшышаш улыт. Кызыт шуко марла книга савыкталтеш. Но йоча-влак кидышкышт книгам шагалрак да шагалрак кучат. Амалже раш: илышышке у технологий шындалтеш. Интернетыште шуко уверым пален налаш лиеш, но кидышке книгам налын лудат гын, шарнымашеш ятыр жаплан кодеш, уш-акыл пойдаралтеш. Мый гын сылнымут тўня дене изи годсек кылым кучем.

Оля СТЕПАНОВА.

Морко, Унчо.

Могай книгам лудыт?

Тачысе йоча-влак могай жанран книгам лудыт? Йоратыме произведенийышт могай? Шукерте огыл могай книгам кидышкышт кученыт?

Полина БИРЮКОВА,

Национальный президент школ-интернатын тунемшыже:

– Мый фантастике жанран руш произведений-влакым лудаш йоратем. Марий сылнымут моткоч келша. Никандр Лекайнын «Шортньо падыраш» повестьшым кок гана лудынам. Пытартым гана Антон Чеховын «Размазня» ойлымашыжым лончыленам.

Эльмир АНИСИМОВ,

У Торъял район Токтарсола школын тунемшыже:

– Мый классикым лудаш йоратем. Шукерте огыл конкурсышто сежымемлан Нина Щербакован «Шўмет шўмемым паремда» почеламут сборникшым пӧлекленит. Книгашке пўртўс, шочмо вер, йоратымаш нерген почеламут-влак пуреныт.

Ксения ХАРИТОНОВА,

Параньга район Усола школын тунемшыже:

– Мый шуко тўрлӧ книгам лудам. Но фантастике чонемлан лишыл. Фред Адран «Лисс Улисс» книгаже эн чот келша. Кызыт Жюль Вернын «Дети капитана Гранта» романжым лудам.



Палаш онгай

Грецийыште книгам шун гыч ыштенит.

Ночко шунеш тоя дене коркален возеныт. Возымеке коштенит да когартенит.

✓ Римлян-влак шыште гыч книгам ыштенит. Онгашке шыштым йынгенит да вичкыж кўртньӧ тоя дене сереныт.

✓ Египтян-влак папирусеш возеныт.

Тидлан кушкылын шўмжым тӧргалтенит. Папирусым тореш-кутын огтенит да вашла пижше манын прессоватленит.

кым палымыдам тергыза. Мут-влакын могай йомаклан келшымыштым стрелке дене ончыктыза.

Суртоза, вольк, разбойник

«О рыбаке и его жене»

Тенгыз, шоньмаш, кугыжа

«Одноглазка, двуглазка и трѣхглазка»

Сад, юзо, башне

«Бременские музыканты»

Олмапу, рыцарь, ўдыр

«Спящая красавица»

Принц, королевстве, омо

«Рапунцель»



Шарнена

Калык поэт Миклай Казаковын шочмыжлан 103 ий темме лўмеш меропрятийым школышто эртарышна. Ме, 6-шо классыште тунемше-влак, тудын илышыже да усталык корныжо нерген каласкалышна. 5-ше ден 8-ше классла гыч ўдыр-рвезе-влак уста серызын почеламутшо-влакым лудыч.

Злата МАКСИМОВА.
Морко, Эгерсола.



1 март – Пырысын тўнямбал кечыже.

Манул

Мыйын йоратыме пырысем уло. Тудын лўмжө – Манул. Пырысем нарынчалге-сур тўсан, шара шинчан, кужу



мамык пуна. Изи гынат, колям пеш куча. Манул школ гыч мөнгө пөр-тылмемым веле вуча, вигак

модаш тўналеш.

Костя ШЕХУРДИН.
Шернур, Кукнур.

Мемнан кок пий уло. Нунылан Лайка ден Рекс лўмым пуэнна. Коктынат мотор улыт. Лайка шемалге-сур тўсан гын, Рекс кўреналге. Нуно келшен илат. Ик пыжашыште икте-весым ырыктен малат. Модмышт годым ордыж пийым коклашкышт огыт пурто: вигак корангын каят. Лайка ден Рекс мутым колыштыт. Мый ныл йолан йолташем-влакым йоратем.


Ксения АЛЕКСЕЕВА.

Морко, Шўргыял.

Пий ден пырысын паспортшышт

Редакцияшышке Эльвира П. (Кужэнгер район) деч йодыш пурен: «Кызыт чїжкыдын ветеринар паспорт нерген ойлат. Кажне пийын да пырысын тудо лийшаш мо? Тыгай паспортын кўлешлыкше могай?»

Тиде йодышлан Угарман кундеммысе да Марий Эл Республикысе фитосанитар да ветеринар надзор дене федерал службын специалистше **К.И.АНТОНОВА (снимкыште)** вашмутым пуа:



– Кажне пийлан да пырыслан ветеринар паспорт кўлеш манын законшышто возымо огыл. Паспорт кок тўрлө лиеш: россияысе да тўнямбал образецан. Ныл йолан йолташдан документше уке гын, тудым поездшышке, самолётшышко огыт шынде. Тукымвозж пале деч посна ончерышке ушнен огыт керт. Пийда але пырысда еҥым пурлеш, а вакцинацийым ыштыме нерген увер уке гын, пурлмо еҥ эмлалтшаш, курсым эртышаш.

Ныл йолан йолташдам вес элыш пеленда наҥгайынеда гын, тўнямбал паспорттым ыштыман. Свидетельствыште озан лўмжө, ийготшо, илыме верже, телефонжо ончыкталтыт. Пийын лўмжым, шочмо кечыжым, урлыкшым, тўсшым, тамган (клеймо) номержым да тудым шындыме верым, чипирований нерген уверым да молымат возат.

Ветеринар паспорттым кузе ышташ? Мутлан, пийым питомникыште налыда гын, тудын документше ямде лиеш. Уремыште коштышым мөҥгыда пуртеда гын, вет-клиникыш тудлан вакцинным ыштыкташ наҥгайымеке, бланкым налын кертыда.

Х.АЛЕКСАНДРОВА.

Лайка ден Рекс

Синквейн

Рекс
Кугу, ушан.
Модеш, кочкеш, мала.
Ялыште пөртым орола.
Пий.
Ангелина МОЧАЛОВА.
Советский,
Өрша.
Авторын сўретше.




Пушок

Пушок лўман пырысемым Мый моткочак йоратем. Эрдене школыш ужата, Шыман йолемым ниялта. Школ гыч толмым пеш вуча, Пече гочын тёршталта. Мые тудым модыктем, Воктекем малаш пыштем.

Аня АНДРЕЕВА.

Кужэнгер,
Тошто Йўледёр.

Изи пийым сўретлыза да чиялтыза.




1-ше номеран Шернур школ.

Вася пырысем

Мыйын йоратыме ныл йолан йолташем – Вася пырысем. Тудын дене коктын уремыште пырля коштына. Пунжо рыжака тўсан, пуйто тудым чевер кече шупшалын. Саҥгаштыже – «М» буква. Мыйын иктаж-моэм коршта гын, тудо эмла. Вася шорым кочкаш моткоч йората. Ковамын ушкалым лўштен пытарымыжым веле вуча.

Дима ВЕДЕНЬКИН.



Телымсе пүртүс

Теле. Лум лумеш. Кече шуэнрак онча да ок ырыкте. Пасу мучко чонештылше писе мардеж корныенгын пылышыжым, шүргыжым чывыштылеш. Тудо тул гай когарта. Йүштө кугыза төрзам ший пырче дене сөрастарен. Пушенге-влак мамык вургемым чиен шогалыныт. Пече менге-влак ош упшым упшалыныт. Пасу, олык ош лум төшак дене леведалтыныт. Телымсе пүртүс мотор.

Ярослав ВАСИЛЬЕВ.

Татарстан, Агрыз, Буймо.



Максим ЛАСТОЧКИНЫН сүретше. Морко, Купсола.

«Ямде лий» 2021 ий 27 февраль



Снимкыште

Ренат Беляевым, Ева Комаровам, Иван Гороховым, Катя Беляевам ужыда. Нуно Советский районысо Кельмаксола школышто 4-ше классыште тунемыт. Йöратыме урокышт – физкультур. Удыр-рвезе-влак, каныш кечын пырля погынен, яндар южышто лияш тыршат. Футболла модыт, лум орым чонат, ече дене коштыт. Шочмо элым аралышын кечыжлан пöлеклалтше ялысе тагасымашлан ечыгорным нунак ямдыленыт.

В.ГОРОХОВАН фотожо.

2 март – Шырпын тўнямбал кечыже.



Веселан илена

Теле пагыт моткоч онайын да веселан эртен. Туныктышо В.И.Веселова, тўрлö йöным кычалын, жапым пайдалын эртараш кумыланден. Ме, 2-шо классыште тунемше-влак, погынен, У ий пайремым йолташ удырнан суртыштыжо эртаренна. «Шонанпыл» йоча передачым ямдылыше-влак тидым войзеныт да телевизор дене ончыктеныт. Республикысе марий тўвыра рўдерын эртарыме конкурс-лашке рўж ушненна. Мыланем Марий ёлкышто лияш пиал шыр-гыжалын. Уло класс дене марий Йүштö кугызан илемышкыже миенна. Кызыт шошо пайрем-влаклан ямдылалтына.

София СМЕРНОВА.

Параньга,

Кугу Пумарий.



01

Шырпе дене уда мод!

- Тулым шекланымеке, 101, 112 номерла дене йынгыртыман. Адресым раш каласыман.
- Тул деч лўдын шылын шичман огыл.
- Окнам, омсам пенгыдын петырыман. Пöлемыш южым пуртыман огыл.
- Шўлаш неле гын, умша ден нерым ночно лапчык дене петырыман.
- Шикшан пöлем гыч нушкын лекман.
- Пошкудо-влак деч польшым йодман.



Факт

Российыште фосфоран шырпым 1836 ийыште кучылташ тўналыныт. Тудым йот эл гыч конде-ныт, пеш шергакан лийын.



Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.ru

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонмашышт тўрлö лийын керттыт. Серыш-влак мöнгеш огыт колталт.
Ак – кутырен келшыме почеш.

Редакцийын да издателыне адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пöрт.
Тел. 8(8362) 45-22-82(факс)

Конкурс



Кирилл НОВОСЁЛОВ.
Шернур, Кугу Пүнчер.



Маша ИВАНОВА.
Звенигово, Чакмарий.

Теле каныш



Иннокентий ВЕСЕЛОВ.
У Торъял, Токтарсола.

Ўлнө ончыктыммо жапым шагатыште кычалза.



Математике кроссворд

4	+	4	=	
+		-		+
	-	2	=	7
=		=		=
13	+		=	15

Йоча-влак, сүретыште могай семүзгар-шамычым ужыда? Палыза да озаштым муза.



Кроссворд

«Лум мөчөр»


1	Л			
2	У			
3	М			
4	М			
5	ө			
6	ч			
7	ө			
8	р			

1 гыч 5 марте шыл-тыме цифр-шамычым муза.



Фигур-влакым сүретлен пытарыза.

Шотлыза:



Судоку

■	▲		
	■		■
▲		■	●
	●		▲

1. Телым кава гыч велеш.
2. Тудым мурат.
3. Чодырасе кугу янлык.
4. Мемнан шочмо йылмына.
5. Йошкар онан кайык.
6. Чывын игыже.
7. Тамле пакчасаска.
8. Чоя янлык.

Лена СТЕПАНОВА.
Морко, Энерсола.



Интернетысе сүрет-влакым кучылтмо.